

আন্তর্জাতিক

রাশিয়ার শীর্ষ ই-কমার্স প্রতিষ্ঠানে একাধিক হামলা ইউক্রেনের

প্রতিবেদক: আন্তর্জাতিক ডেস্ক

প্রকাশের তারিখ: শুক্রবার, ০৭ আগস্ট ২০২৬, ০৭:১১ PM



ইউক্রেনের ধারাবাহিক ড্রোন হামলায় রাশিয়ার শীর্ষস্থানীয় ই-কমার্স প্রতিষ্ঠান ওয়াইল্ডবেরিজের গুদাম ও সরবরাহব্যবস্থা মারাত্মকভাবে ক্ষতিগ্রস্ত হয়েছে। এ নিয়ে গত তিন সপ্তাহে প্রতিষ্ঠানটির প্রায় ২০টি স্থাপনায় হামলার ঘটনায় বড় ধরনের অগ্নিকাণ্ড এবং বিপুল পরিমাণ পণ্য ধ্বংস হয়।

বার্তা সংস্থা রয়টার্স বলছে, গত ১৮ জুলাই থেকে রাশিয়ার বিভিন্ন এলাকায় ওয়াইল্ডবেরিজের গুদাম লক্ষ্য করে প্রায় রাতেই ড্রোন হামলা চালানো হচ্ছে। এতে অন্তত ১১ লাখ ৮০ হাজার বর্গমিটার গুদামঘর ক্ষতিগ্রস্ত বা ধ্বংস হয়েছে। এটি ওয়াইল্ডবেরিজের মোট গুদাম সক্ষমতার এক-পঞ্চমাংশেরও বেশি।

মস্কোর ওয়াইল্ডবেরিজ পণ্য সংগ্রহকেন্দ্র পরিচালনাকারী ভাসিলি ক্লিমভের ব্যবসার চিত্রই পরিস্থিতির ভয়াবহতা তুলে ধরছে।

তিনি বলেন, হামলার আগে এসব কেন্দ্রে দৈনিক প্রায় ৪০০টি পার্সেল আসত। এখন তা কমে দাঁড়িয়েছে প্রায় ১৫০টিতে। আর্থিক সঞ্চয় দিয়ে আর ব্যবসা চালিয়ে যাওয়া তার পক্ষে সম্ভব হচ্ছে না। তাই ক্রেতা না থাকলেও তিনি ব্যবসাটি বিক্রির জন্য তুলে দিয়েছেন।

একপর্যায়ে রসিকতা করে তিনি এটি মাত্র ১ রুবলে বিক্রির প্রস্তাবও দেন। রাশিয়া ও আশপাশের দেশগুলোতে ওয়াইল্ডবেরিজের প্রায় ৯৮ হাজার পণ্য সংগ্রহকেন্দ্র রয়েছে। প্রতিষ্ঠানটির হিসাবে, মোট অর্ডারের প্রায় ৯৫ শতাংশ এসব কেন্দ্রের মাধ্যমে গ্রাহকের হাতে পৌঁছায়।

এ ঘটনার পর ইউক্রেন বলছে, সাধারণ রুশ নাগরিকদের ওপর যুদ্ধের প্রভাব পৌঁছে দেওয়া এবং মস্কোর জন্য যুদ্ধ চালিয়ে যাওয়ার ব্যয় বাড়ানোই এ ধরনের হামলার অন্যতম উদ্দেশ্য। তবে রাশিয়া ও ওয়াইল্ডবেরিজ দাবি করেছে, প্রতিষ্ঠানটি রুশ সেনাবাহিনীকে সরবরাহ করে না।

এ বিভাগের আরও খবর



তেহরান শিগগিরই [নিউ ডেভেলপমেন্ট ব্যাংকে] যোগ দিতে চলেছে: ইরানি গভর্নর
ব্রিকস শীর্ষ সম্মেলনে যোগ দিতে ভারতে আসছেন ইরানের প্রেসিডেন্ট মাসুদ পেজেশকিয়ান। আগামী ১২-১৩ সেপ্টেম্বর নয়াদিল্লিতে অষ্টাদশ ব্রিকস শীর্ষ সম্ম...



ইন্দোনেশিয়ায় ফের শক্তিশালী ভূমিকম্প
ইন্দোনেশিয়ায় এক দিনের ব্যবধানে ফের শক্তিশালী ভূমিকম্প আঘাত হেনেছে। কোরে ৭ দশমিক ৭ মাত্রার শক্তিশালী ভূমিকম্পের পর দেশটির উত্তর সুমাত্রা প্রদ...



হরমুজকে [মার্কিন ডুখণ্ড] হিসেবে ঘোষণা করতে চান ট্রাম্প
ইরানকে যুদ্ধে পরাজিত করার পর পারস্য উপসাগরের গুরুত্বপূর্ণ জলপথ হরমুজ প্রণালিকে মার্কিন ডুখণ্ড হিসেবে ঘোষণা করতে চান যুক্তরাষ্ট্রের প্রেসিডেন্ট...



ভারত সফরে আসছেন ইরানের প্রেসিডেন্ট

আগস্ট ২০২৬ সালের ত্রিকল সম্মেলনে যোগ দিতে ভারত সফর করবেন ইরানের প্রেসিডেন্ট মাসুদ পেজেশকিয়ান। ইরানি সূত্রের বরাতে এ তথ্য জানিয়েছে এশিয়ান নিউ...

Copyright Dhaka Probe

অনলাইন সংস্করণ পড়তে ভিজিট করুন: <https://dhakaprobe.com/international/rashiyar-shirsh-i-kmars-prtishtane-ekadhik-hamla-iukrener>